

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. रक्षामंत्री राजनाथ सिंह होर सियाचिन ग्लेशियर दे दौरे पर जा8रदे न। सेना प्रमुख जम्मू पुज्जे, सुरक्षा इंतजामें दी समीक्षा कीती।
2. किशतवाड़ दे मुख चुनां अफसर होरें चुनां तैआरिएं दी समीक्षा कीती, मढ़वा, वारवन, मचेल पाङ्डर इलाके च मतदाताएं लेई सुविधाएं दा जायजा लैता।
3. डोडा, भद्रवाह, किलहोतरां च चुनावी अमले गी ईवीएम दी बरतून ते रख-रखाव दी सिखलाई दिती गई।
4. श्रीनगर च आतंकवादिएं दे चार मददगार गिरफ्तार, जैशे मोहम्मद कन्नै जुड़े दे इक बड्डी गिरोह दा सुरक्षाबलें पर्दाफाश कीता ऐ।

<><><><><><>

Defence Minister

रक्षा मंत्री राजनाथ सिंह होर होली दा ध्यार दुनिया दे सब्बने थमां उच्चे युद्ध क्षेत्र सियाचिन ग्लेशियर च सैनिकें कन्नै मनांगन। मगरा ओह सुरक्षा हालात दा बी जायजा लैंगन। राजनाथ सिंह हुंदे दौरे गी दिक्खदे होई सेना प्रमुख जनरल मनोज पांडे होर इत्थें पुज्जे ते जम्मू खित्ते च अखनूर सेक्टर दा दौरा लाया। उनें पाकिस्तान कन्नै लगदी कब्जा रेखा आले इलाकें च बले दिएं तैआरिएं दा जायजा लैता। पिछले किश ब8रे थमां दौनें मुख् बश्कार इस थाहर पर इक बी गोली नेइं चली ऐ। रक्षामंत्री हुंदे कन्नै सेना प्रमुख जनरल मनोज पांडे, उत्तरी कमान प्रमुख जीओसी इन चीफ लैफिटनेंट जनरल एम.वी.सुचिन्दर कुमार, लेह अधारित 14 कारे दे जीओसी लैफिटनेंट जनरल रश्म बाली ते सेना दे होर दुए वरिष्ठ अधिकारी मजूद रौंहगन।

<><><><><><>

जम्मू कश्मीर दे मुख् च्नुनां अधिकारी पांडुरंग.के.पोले होरें औंदे लोकसभा चुनाएं लेई तैआरिणं दा जायजा लैने लेई कल किशतवाड़ जिले दा इक व्यापक दौरा लाया। इस दरान उनें जिले दे दूर-दरेड़े मढ़वाह, वारवन ते पाड्डर-मचेल जनेह् इलाकें च बनाए गेदे मतदान केन्द्रें च उपलब्ध सुविधाएं ते स्ट्रांग रूमें दा बी निरीक्षण कीता। मुख् च्नुनां अधिकारी होरें औंदे लोकसभा चुनाएं लेई तैआरिणं ते बंदोबस्तें दा जायजा लैता। उनें सरबंघत अधिकारिणं गी लोड्चदे दिशा-निर्देश जारी कीते ते उंदे पर जोर पाया जे ओह् च्नुनां आयोग दिणं हिदायतें दी पालमा जकीनी बनान। पोले होरें इस दरान किश मतदाताएं कन्ने बी गल्ल कीती ते उनेंगी लोकतंत्र दे महापर्व चुनाएं दरान वोट पाने दे महत्व बारे जानकार बनाया। उनें जिला सदर मुकाम च बनाए गेदे स्ट्रांग रूमें दा बी निरीक्षण कीता तां जे चुनावी प्रक्रिया गी उचित ढंगै सिर तोड़ चाढ़ेआ जाई सकै।

<><><><><><>

EVM Training

डोडा जिले च डोडा, भद्रवाह ते किलोतरां इलाकें थमां चुनावी अमले दे तकरीबन 900 सदस्यें गी कल इलैक्ट्रानिक वोटिंग मशीनें गी चलाने दी सिखलाई दित्ती गई। मास्टर ट्रेनरें डोडा ते भद्रवाह दे सामुदायिक हाल ते जीडीसी किलहोतरां च अमले गी एह् सिखलाई दित्ती। डोडा दे जिला चुनां अधिकारी हरविंदर सिंह होरें अमले गी आक्खेआ जे ओह् निरपक्खता बरकरार रखदे होई भारती चुनां आयोग आस्सेआ जारी आदर्श आचार संहिता दी पालमा जकीनी बनान। उनें प्रीसाईडिंग अफसरें गी निर्देश दित्ता जे ओह् उनेंगी दित्ती गेदी पुस्तिका गी खरी चाल्ली पढ़न ते चुनां आयोग दिणं हिदायतें बारे जानकार बने दे रौहन। इस दरान मास्टर ट्रेनरें प्रतिभागिणं गी ईवीएम स्टार्ट करने, वोट पोआने, नियंत्रण युनिट दे प्रबंधन ते मतदान दे बाद मशीनें गी सील करने दे बक्ख-बक्ख चरणै बारे जानकारी दित्ती गई।

<><><><><><>

DEO Samba

सांबा दे जिला चुनां अधिकारी अभिषेक शर्मा होरें बैंक आले कन्ने इक बैठक लाई। औंदे लोकसभा चुनाएं गी सुचारू ढंगै सिर करोआने लेई ते आदर्श आचार संहिता दे पालन लेई सरबंधी विशें पर गल्लबात कीती। बैठक दरान बक्ख-बक्ख पैह्लुएं जियां मेदवारें दे बैंक खातें गी खोलना, चैक बुक जारी करना, 10 लक्ख थमां बद्ध दे लैन-दे नदी जानकारी बैंकें च खास काउंटर खोलने ते होरने बारे गल्लबात होई। बैठक दरान बैंक आलें गी ई-वीजिल पोर्टल दे इस्तेमाल बारे बी दस्सेआ गेआ। आदर्श आचार संहिता दे समें च नियम कायदें दी पूरी चाल्ली पालमा बारे बी गलाया गेआ।

<><><><><><>

Ramban Sweep

रामबन दे जिला चुनां अधिकारी बसीर-उल-हक हुंदी दिक्ख-रिक्ख च इक व्यापक जागरूकता अभियान चलाया गेआ। इत्थें पैहले गेड़ तैह्त यानि 19 अप्रैल गी वोट पाए जाने न। मतदाताएं गी जागरूक करने लेई केई सारी गतिविधिएं दा आयोजन कीता जा'रदा ऐ। पैहली बारी वोट देने आले मतदाताएं गी वोट पाने आले हक्क दा इस्तेमाल करने लेई प्रेरित कीता जा'रदा ऐ। इस्सै चाल्ली दे कार्यक्रम उधमपुर च बी चलाए जा'रदे न। उधमपुर दे अतिरिक्त डिप्टी कमीशनर वरुण जीत सिंह चाढ़क होरें स्वीप तैह्त इक गड्डी गी रवाना कीता। एह गड्डी मतदाताएं गी जागरूक करोग। मीडिया गी संबोधत करदे होई एडीसी होरें इस भेठा कीता जा'रदे जतनें गी उजागर कीता। उनें गलाया जे एह गड्डी बनिहाल ते रामबन दी बक्ख-बक्ख थाहरें पर जाग ते मतदाताएं गी जागरूक करोग।

<><><><><><>

DC-Poonch

पुंछ दे डिप्टी कमीशनर यासीन एम.चौधरी होरें कल जिला सतह दी नारको कोआडिनेशन सेंटर दी बैठक लाई। एह बैठक डीसी दफ्तार दे कांफ्रेंस हाल च होई। बैठक दरान नारको आस्सेआ दित्ती गेदी हिदायतें दी अमलावरी दी प्रगति दा बी जायजा लैता गेआ। इस दरान नशीले पद्धार्थे दी रोकथाम लेई कीती गेदी कारवाइयां ते अपनाए गेदे तौर तरीके पर बी चर्चा होई। एसएसपी होरें कीती गेदी कारवाइएं दा ब्यौरा दित्ता। इस दरान केई सारे महत्त्व आले विशे पर चर्चा होई जिंयां उनें थाहरें दी ताल करना जित्थें नशे दे मते मामले सामने ओंदे न। पंचैत सतह पर जतन, जागरूकता अभियान थाहरें-गिहरें जागरूकता बैनर लाना बगैरा बगैरा। डिप्टी कमीशनर होरें सब्बनें मुत्तलका लोकें गी आगह कीता जे ओह नशा मुक्त पंचैत घोषत करने पर अपना ध्यान केन्द्रित करन ते नियमित तौर पर पंचैत सतह दी कमेटिएं दी बैठक लान।

<><><><><><>

Terror Module

सुरक्षा बलें कल श्रीनगर च आतंकवादी गुट जैशे मोहम्मद कन्नै जुड़े दे इक बड्डे आतंकी गिरोह दा पर्दाफाश करदे होइ आतंकवादिएं दे 4 मददगारें गी गिरफ्तार कीता ऐ। इक पक्की सूह पर कारवाई करदे होई श्रीनगर पुलस, 50 राश्ट्री राईफल्स, वैली QRT ते सीआरपीएफ 29 बटालियन आस्सेआ नौगाम पुलस थाने दे अधिकार क्षेत्र हेठ ओंदे केनीहामा इलाके च गड्डिएं दी जांच आली इक सांझी गश्ती चौकी स्थापत कीती गई। गड्डिएं दी जांच दरान सुरक्षाबलें जंदी संजा आतंकवादिएं दे 4 मददगारें गी गिरफ्तार कीता ऐ। उंदे कब्जे शा ऐतराज जोग समेयान ते कन्नै गोली बरूद बी बरामद कीता गेआ ऐ जेहदे च इक ए.के.-56 रफल ते ओदियां 3 मैगजीनां, 75 राउंद, इक पस्तोल ते ओदियां 2 मैगजीनां, 9 एम.एम दे 26 राउंद ते 6 चीनी हत्थगोले शामिल

न। शुरूआती जांच दरान एह पता लगा ऐ जे इनें आरोपिं दा सरबंध आतंकवादी गुट जैशे मोहम्मद कन्नै ऐ।
उंदे खलाफ मामला दर्ज करियै अगड़ी तफतीश कीती जा'रदी ऐ।

<><><><><><>

PM Modi

प्रधानमंत्री नरेन्द्र मोदी होरें आक्खेआ ऐ जे भूटानी नुमायंदगी कन्नै होई दी उंदी गल्लबात कन्नै भारत भूटान मित्री च होर बी मजबूती औग। श्री मोदी होरें अपनी भूटान यात्रा गी बड़ा खास दस्सेआ की जे उनेंगी उत्थुआं दे नरेश जिग्मे खेसर नामग्यल वांगचुक ते भूटान दे प्रधानमंत्री शेरिंग तोबगे कन्नै मलाटी लाने दा मौका थोआ। श्री मोदी होर भूटान दे अपने दऊं रोजा राजकीय दौरें गी मुकम्मल करने परैत कल दपैहरी'लै नमीं दिल्ली परतोई आए हे। भूटान दे प्रधानमंत्री ते नरेश होरें हवाई अड्डे पर श्री मोदी होरें गी गर्मजोशी कन्नै विदा कीता। इक सोशल मीडिया पोस्ट च प्रधानमंत्री मोदी होरें आक्खेआ जे ओह भूटान नरेश दे बड़े गै निग्गे सुआगत ते व्यवहार कन्नै सम्मानत मसूस करा'रदे न। उनें आर्डर ऑफ द ट्रुक ग्यालपो कन्नै सम्मानत कीते जाने पर बी आभार जताया। श्री मोदी होरें भूटान दे लोकें गी उंदी मेजबानी लेई धन्नबाद करदे होई गलाया जे भारत म्हेशां भूटान लेई इक भरोसेमंद मित्र ते हिस्सेदार बने दा रौहग।

<><><><><><>

Jai Shankar

विदेश मंत्री डॉ. एस.जयशंकर होरें अरुणाचल प्रदेश पर चीन दे दावे गी हासे आली गल्ल दस्सेआ। डॉ. जयशंकर होरें जोर देइयै आक्खेआ जे अरुणाचल प्रदेश भारत दा हिस्सा ऐ, इस करियै नेई जे एह भारत दा हिस्सा ऐ। सिंगापुर च इंस्टीच्यूट ऑफ साउथ एशियन स्टडीज दे इक कार्यक्रम च बोलदे होई उनें आक्खेआ जे इस मामले च भारत दा रवैया स्पष्ट ऐ। डॉ. जयशंकर होरें आक्खेआ ऐ जे एह कोई नमां मुद्दा नेई ऐ ते चीन नै पैहले बी एहदे पर दावे कीते न ते अपने दावें दा दायरा बधाया ऐ।

<><><><><><>

DGP Swain

जम्मू कश्मीर दे डरैक्टर जनरल आर.आर.स्वैन होरें कल भद्रवाह च भारती सेना दे Corps Battle School च नमें भर्ती सब-इंस्पेक्टर रैंक दे तकरीबन 1 जहार अफसरें जिंदे च तकरीबन 60 सखेत्तरू डीएसपी बी शामिल हे, गी संबोधत कीता। उनें आक्खेआ जे बड़े घट्ट लोकें गी वर्दी पाने ते देश ते समाज दी सेवा करने दा मौका थोंदा ऐ। उनें आक्खेआ जे सखेत्रु अफसरें लेई एह बड़े गै माने आला पल ऐ। डीजीपी होरें आक्खेआ जे साढा सब्बनें दा मूल्यांकन मुख करी नै चीजें-जीयत, मेहनत ते काबलियत पर हुंदा ऐ। उनें आक्खेआ जे इंदे

चा पैहलियां दकुं चीजां साढ़े नियंत्रण च हुंदियां न पर खीरली चीज आंशिक तौर पर परमात्मा आस्सेआ दित्ती जंदी ऐ। पर अस अपनी मेहनत ते जज्बे कन्नै बी इसी हासल करी सकने आं। उनें भारती सेना दा बी इस मौके पर आभार जताया।

<><><><><><>

High Court-JK

जम्मू कश्मीर ते लद्दाख हाई कोर्ट दी बिच्च बचाह ते सुलाह सफाई सरबंधी कमेटी नै जम्मू कश्मीर न्यायिक अकादमी ते जम्मू कश्मीर कनूनी सेवा प्राधिकरण दे सैहयोग कन्नै कल कश्मीर ते जम्मू प्रांतें दे नामजद रेफरल जजें लेई इक विशेष कार्यक्रम दा सरिस्ता कीता जेहदे च अदालती मामलें च बिच्च बचाह ते सुलाह कराने च रेफरल जजें दी भूमका पर लोह पाई गई। जम्मू कश्मीर ते लद्दाख हाई कोर्ट दे जज जस्टिस ताशी रबस्तान होरें इस मौके आकखेआ जे मामलें दे नबेड़े च आपसी सुलाह सफाई ते बिच्च बचाह दी इक महत्वपूर्ण भूमका ऐ। उनें आकखेआ जे इआं करने कन्नै मामलें दा नबेड़ा मता तौले, सखल्ले ते आपसी सैहमति कन्नै दौनें पक्खें गी बारा खंदी शर्ते पर होई सकदा ऐ। इस कार्यक्रम च हिस्सा लै करदे जजें गी उनें जोर देइयै आकखेआ जे ओ बिच्च बचाह ते पैंची दे नियमें सिद्धांतें गी समझदे होई एहदा इस्तेमाल करन तां जे समाज च सदभाव, सुलाह ते सौहार्थ आला माहोल होर पनपी सकै।

<><><><><><>